

曆萬

黔

記

(一)

明·郭子章 撰

萬曆三十六年刻本 六十卷

一九六六年貴州省圖書館複製油印本 附校勘記

複製說明

《黔記》全書共六十卷，明萬曆三十六年郭子章撰。撰者當時任貴州巡撫，是明代封建王朝的忠實爪牙，是鎮壓農民起義的大劊子手。本書就是他在封建地主階級的立場上所纂修的一部方志。因此該書內容所涉及的立場和觀點都是極端反動的。我們複製這部書，主要是供領導同志、科學工作者及貴州地方資料的研究者參考。此書流傳稀少，僅存者也殘缺不全，現以北京圖書館、上海圖書館兩館藏本匯集後，尚缺卷二十五及二十六兩卷。據《貴州通志》轉引《郭青螺年譜》，此兩卷當係《討逆志》。

黔記

複製說明

一

在複製過程中，借用貴州民族研究所所藏「縮微膠卷」放大成照片，然後刻寫。此項膠卷卷八至卷十係據上海圖書館藏明萬曆刻本攝製，其餘各卷係據北京圖書館藏明萬曆刻本攝製。內卷五、卷三十、卷四十五、卷四十九等卷中之缺攝篇頁，則係本館請北京圖書館及上海圖書館攝補。

原書錯訛較多，個別地方且有前後矛盾情況。

複製時已盡可能地翻檢有關書籍，查對原出處，將書中脫落、錯誤、顛倒、竄改之處，逐一加以校正，詳書後所附校勘記。如原書中缺字，以□表示，模糊不清或一時未能查明原由者，則以○代之。複製本每頁有兩個頁碼，前者為本館增編之每卷總頁碼，後者乃原書頁碼。

限于水平，複製校勘工作，難免謬誤，敬請讀者批評指正。同時，承貴州民族研究所借用膠卷，

黔記

複製說明

二

並承北京圖書館、上海圖書館攝製缺頁，謹致謝意。

貴州省圖書館

一九六六年八月

黔記目錄

卷一

大事記上

卷二

大事記下

卷三

星野志

卷四

輿圖志一
貴陽府 衛州 宣慰
司 上六衛 西四衛

黔記目錄

卷五

輿圖志二
下七府 下六
衛 附四衛

卷六

輿圖志三
三代 秦 漢 蜀
晉 唐 宋 元

卷七

輿圖志四
大明

卷八

山水志上

卷九

山水志中

卷十

山水志下

卷十一

災祥志

卷十二

羣祀志

卷十三

止權志上

止權志下

黔記附錄

卷十四

藝文志上

卷十五

藝文志下

卷十六

學校志上

卷十七

學校志下

卷十八

職官志

卷十九

貢賦志上

卷二十

貢賦志下

卷二十一

兵戎志

卷二十二

郵傳志

黔記附錄

卷二十三

公署志上

卷二十四

公署志下

卷二十五

卷二十六

卷二十七

三三

公侯伯總兵參將都司守備表

卷二十八

總督撫按藩臬表

卷二十九

守令表

卷三十

文武科第表

卷三十一

貶恩表

黔記目錄

卷三十二

帝王事紀

卷三十三

宦賢列傳一 楚漢
蜀晉

卷三十四

宦賢列傳二 唐宋
元

卷三十五

宦賢列傳三 明公侯
大都督

卷三十六

四四

官賢列傳四 總督 巡撫

卷三十七

官賢列傳四 總督 巡撫

卷三十八

官賢列傳五 巡按 行御 吏附 部屬

卷三十九

官賢列傳六 本朝 藩

卷四十

官賢列傳七 知府 佐

黔記附錄

卷四十一

官賢列傳八 知州 校官 佐

卷四十二

遷客列傳

卷四十三

寓賢列傳

卷四十四

鄉賢列傳一 名鄉

卷四十五

五五

鄉賢列傳二 理學

卷四十六

鄉賢列傳三

卷四十七

鄉賢列傳四

卷四十八

鄉賢列傳五 文苑

卷四十九

鄉賢列傳六 武勳

黔記目錄

卷五十

忠臣列傳

卷五十一

孝子列傳 附義士 弟

卷五十二

樓逸列傳

卷五十三

淑媛列傳

卷五十四

六六

方外列傳一 唐宋大明

卷五十五

方外列傳二 附寺觀

卷五十六

宣慰列傳

卷五十七

故宣慰列傳

卷五十八

土司土官世傳

黔記附錄

卷五十九

諸夷

卷六十

古今西南夷總論

附 校勘記

七七

黔記序

今天下開府置官屬之地十有三而黔最後黔非特後也藉黔之入不足以當中土一大郡又漢夷錯居而夷倍蕪焉以此宇內往往少黔其官於黔者或不欲至至則意旦夕代去固無恠其然乃士生其

黔記序

一一

間或亦謬自陋通籍後往往籍其先世故里視黔若將浼焉余居嘗每嘆之嗟謂黔不足治乎是越不章甫而蜀不雅化也謂黔不足與乎是陳良不產於楚而由余不生於戎也有是哉第地之重人也以山川而人之重地也以

國朝始為冠帶之國文獻闕焉地柰
何得重余間攷鄉先輩非無崛起
於時者旋就湮沒載稽故府牒及
列郡乘俱散漫磨滅不可讀有無
乘者夫其湮沒也豈非無以表章
之而其散漫磨滅且無乘也又豈
非黔士大夫之過也余不佞嘗讀

黔記序

二二

郡志而有志焉自以學閭典墳摛
羅未廣懼為山川羞乃今有
郭中丞青螺公黔記也中丞讀書
盡天下其記黔也直取兵於武庫
不勞更鑄第中丞自平播以來拮
据戎馬兵食間宜無餘力而游翰
所染輒至充棟余曾不聞杜元凱

平吳裴中立平淮有所論著也且
中丞望重中書久矣獨不意旦夕
代去邪余觀大事記黔之故實釐
然指掌雖黔人不諗也至讀賢宦
傳見鄉先輩一二典刑爛然如昨
而身或不知又如宣慰傳中所載
昂兄弟詩蔚然風雅想見其人士

黔記序

三三

流有此何論華族而黔記未成時
輒併湮沒由此以譚未嘗表章之
不可謂無獻則未嘗修之固不可
謂無文也中丞所為詩文在在殺
青而其肆筆為史則黔獨著中丞
豈亦有意為黔文邪書成紙貴海
內士與寫目焉由此必有樂至其

地以紹中丞之業者若黔士既發
醯雞之覆其亦將得寶於家而不
暇外索乎此非黔記誰啟之也記
今自重天下不藉余為玄晏第余
樂桑梓文獻有歸且見君子之有
益於人國如此因紀其實而序之
若文之工不工自是黔驢之技所

黔記序

四四

不計也

萬曆癸卯重九日

賜進士第徵仕郎翰林院檢討直

起居注編纂官麥新治生丘禾實有

秋甫頌首拜撰

黔記序

大中丞郭公撫余黔之癸卯歲出
所著黔記示昔子欲居九夷魯論
紀其答問之語炳如日星正德中
文成王公官龍場署中書有何陋
軒記今翰墨淋漓壁間似若神物
護持之者嗟孔子所云九夷豈必

黔記序

五五

即羅施之區先生茲記毋亦為鄙

夷余黔者廣乎以今睹

青螺先生黔記益可念也嘗觀名

山大川載在圖經宇內寥廓昭曠

之士恨不旦暮遇乃遐陬僻壤豈

無一丘一壑為造化所含奇者即

輜軒過之不肯經覽人情貴耳賤

目貴近賤遠大抵然也夫黔眎中

土亦何以異此且黔自我

明建藩來不二百餘年乎

二祖之所創造

累朝之所覆育

皇祖與

皇上之所觀文成化亦既等之雄藩

黔記序

六六

矣民鼓舞于恬熙士涵咏于詩書

亦既彬彬質有其文矣第遊譚之

士尚往往以其意輕之又士大夫

聞除目一下輒厭薄不欲往此寧

獨以邊徼故抑或文獻甚少興

起為難故雖千載下猶未離于或

人之見耳乃今有中丞公黔記矣

其文與獻可考鏡矣余黔人何敢

侈譚黔事試即記中所載則理學

文章忠孝節義種種具備何其盛

也豪傑之士丁時奮樹如所稱二

三君子褒然名世何其偉也又如

名公巨卿之所經略遷客碩儒之

所講明勛華增天地之光道德作

黔記序

七七

譽髦之式抑何造物之有意于黔

也由斯以譚則今日之黔孰與曩

昔乎士亦何必徒以耳食邪今天

天地之元氣愈漸瀆則愈精華

國家之文治愈薰蒸則愈彪炳而是

精華彪炳者得發揮于蓋代之手

其人重則其地與之俱重黔蓋兼

而有之貴山富水與龍山龍場行
且有聞于天下萬世矣世有寥廓
昭曠之士亦必于黔乎神往矣非
公茲記其疇與張之在昔賦三都
兩京者一出而貴洛陽之紙價賸
士林之口吻然或感時諷諫或折
衷群言且皆成于十年視公投戈

黔記序

八八

染翰刻燭賦詩備一代之典章垂
千秋之信史其遲速輕重固天淵
矣記成當與黔竝永不特海內番
然改觀固知孔子何陋之言與陽
明先生名軒之意俱得公而益信
也象不揣固陋附言末簡豈惟無
能發公表章之意抑亦恐為斯記

之羞公儻謂其為黔產也而載其
言以存汙樽土缶之一端邪

萬曆甲辰初正上元日

賜進士第前刑科右給事中奉

勅巡視

京營

光祿侍

黔記序

九九

經筵官古雲治生陳尚象心易甫頓

首拜撰

黔記卷一目錄

大事記上

殷

秦

東漢

晉

唐

後唐

宋

黔記卷之一

周

漢

蜀漢

隋

梁

晉

元

大事記上目錄

一一

黔記卷一

泰和郭子章相奎父著

漢州宋興祖汝杰父正

貴溪畢三才成叔父校

大事記上

蟪衣生曰國之大事在戎黔極西鄙故紀黔事之大者十
九戎也予讀漢史西羌傳武丁征西戎鬼方三年乃克唐
稱鬼主宋元稱羅施鬼國今猶稱大鬼主羅鬼云三年克
之孔子傷其僊至於今而有播之役二月出師六月克敵

黔記卷之一

大事記上

一二

皇上英武遠過高宗願三省帑藏如洗死亡相枕不待三
年亦僊矣嗚呼唐僊於南詔元僊於蛇節 明一僊於米
魯再僊於銅人三僊於爐山四僊於夜郎故議兵於西南
夷者不可不重也

殷

高宗

子以三十二年伐鬼方三年克之出易并甲子會紀

周

厲王

王任格克酒酒內興避於中國軍及鬼方詩蕩

楚頃襄王

楚莊豪將兵從沅水滅夜郎一作驕

秦

始皇帝

通五尺道置夜郎吏尋廢

漢

武帝

辛亥元光五年拜唐蒙為中郎將使夜郎○以夜郎置犍為

黔記卷之一

大事記上

二 三

郡使其子為令○罷西夷

庚元鼎六年使馳義侯遺發南夷兵伐南粵○且蘭君反

○詔八校尉擊且蘭○中郎將郭昌衛廣引兵破且蘭首斬

萬數○定西南夷以為牂柯郡○夜郎侯多同入朝以為夜

郎王○牂柯太守吳霸請封夜郎王三子為侯從之

壬元封二年發巴蜀兵擊滅勞深靡莫以兵臨滇

昭帝

乙始元元年牂柯談指同並等二十四邑皆反遣水衡都

尉發蜀郡犍為犛命萬餘人擊牂柯大破之

成帝

河平某年夜郎王興與鈞町王禹漏卧侯俞更舉兵相攻
遣太中大夫蜀郡張匡持節和解不從○金城司馬陳立
為牂柯太守誅夜郎王興

東漢

光武帝

牂柯郡功曹謝暹與郡大姓龍傅尹董氏遣使從番禺江
奉貢

安帝

黔記卷之一

大事記上

三 四

和永初元年夏五月夜郎蠻夷舉土內屬傳云開境千

桓帝

牂柯尹珍為荊州刺史

蜀漢

後主

卯建興元年夏牂柯太守朱褒反應雍闓

乙三年春三月丞相諸葛亮南征分建寧牂柯為興古郡

興古今普安州是○馬忠為興古郡太守晉地理志南中志

晉

武帝

爨深為興古郡太守爨府君碑在曲靖

懷帝

未永嘉五年分牂柯郡置平夷夜郎二郡寧州刺史○興

古太守爨深與將軍姚岳同禦李雄兵破之通志○毛楚

為牂柯太守楚人出常璩南中志

隋

文帝

開皇某年置黔安郡統都明陽郡義泉陽清江郡牂柯郡

黔記卷之一

大事記上

四五

統牂柯縣是時貴州地雜屬於四郡○置牂州今普安

甲子仁壽四年置務川扶陽二縣廢屬牂州今扶陽○廢庸州

以務川隸巴東郡

煬帝

大業某年首領謝龍羽據黔中

唐

高祖

武德元年改黔安郡為黔州

乙卯二年黔安清江各郡內屬○置義州在今龍泉統信安

縣川五西平州三領唐平夷盤水

辰三年謝龍羽遣使入朝拜牂州刺史封夜郎郡公○充

州蠻來朝在牂州百

巳辛四年置黔州都督府貴州務州皆屬之○置費州廢費

南今府夷州義泉郡即今石阡府治以務州川領務川涪

午壬五年更義州為智州

太宗

亥丁貞觀元年廢夷州義泉郡○以廢夷州六縣廢思州五

縣屬務州廢夷州之伏遠寧夷思義高富明陽丹川六縣

黔記卷之一

大事志上

五六

務州今廢思王城樂多○改西平州為盤州隸我州

丑己三年閏十二月丁未東謝酋長謝元深南謝酋長謝強

來朝○詔以東謝為應州南謝為莊州隸黔州都督南府

有廢莊州疑即南謝也

寅庚四年開山洞復以都上縣置夷州義泉郡即今治○改

務州為思州○置費州治於涪川

卯辛五年置夜郎縣屬州

甲午八年割思州之多田城樂屬費州

乙未九年分牂柯郡置郎州領恭水高山貢山柯

丙十年以思州高富縣屬黔州在今富縣

丁十一年徙夷州治於綏陽即今真○更智州為牢州徙

治義泉○以綏陽高富屬夷州○罷黔州都督府置莊州

都督廢莊州在今南府○省郎州并六縣

己十三年置播州名於郎州并六縣

庚十四年更恭水六縣名曰恭水曰羅蒙高山曰舍月貢

羅為釋曰胡刀

壬十六年更羅蒙縣為遵義名遵義始此○置濠州領崇德扶

縣今思南府有廢珍州

黔記卷之一
大事記上
六七

癸十七年廢牢州以義泉屬夷州今義泉廢縣在

丙二十年以夷州之芙蓉瑯川屬播州

高宗

庚顯慶五年廢舍月胡江羅為三縣

武后

丙垂拱二年置萬安縣隸錦州即今

中宗

庚景龍四年廢莊州都督府置播州都督

玄宗

壬先天元年廢播州都督府復置於黔州

丁開元二十五年以寧夷縣屬夷州○充州酋長趙君道

來朝

庚二十六年廢胡刀瑯川二縣并入帶水在今播州

壬天寶元年改黔州為黔中郡都督如故領施商九州

○改夷州為義泉郡播州為播州郡思州為寧夷郡費州

為涪川郡濠州為濠溪郡珍州為夜郎郡○改萬安為常

豐縣

肅宗

黔記卷之一
大事記上
七八

戊乾元元年復以黔中郡為黔州都督府○復義泉播州

寧夷涪川濠溪夜郎六郡仍為州

代宗

大曆某年東蠻烏蠻據于矢部在今普

德宗

乙貞元元年充州蠻來朝

壬十八年充州蠻來朝

憲宗

丙元和元年置蘭州即今普

丁亥二年夏五月詔黔南遣將押領牂柯等使
已癸八年羅羅鬼主表請歸牂柯地

穆宗

壬寅長慶二年黔中蠻叛觀察使崔元略以聞節度使段文昌使人開曉蠻引退

文宗

丙辰開成元年鬼主阿珮內屬

武宗

會昌某年封羅羅別帥為羅甸一作王

黔記卷之一

懿宗

庚寅咸通十一年南詔陷播州

昭宗

戊戌大順二年黔中附于蜀王建

梁

楊再思自稱誠州刺史

後唐

明宗

丁亥天成二年羅甸王普露靖率其九部落入貢於唐○牂

大事記上
八九

柯清州刺史宋朝化等來朝

晉

高祖

庚子天福五年羅甸附於楚○都雲首長尹懷昌率其屬十二部牂柯首長張萬濬率其屬思夷等州皆附於楚○楚王馬殷遣八姓帥率管柳州兵討兩江溪洞留軍戍之遂各分據八番○土首楊正岩據十洞偽稱徽誠二州刺史附於楚靖地

宋

黔記卷之一

太祖

丑乾德三年秋七月珍州刺史田景遷內附今珍州即真州○廢蘭州置永寧路

丁卯五年南寧州龍彥瑫來貢以為歸德將軍南寧州刺史

蕃落使○以順化王武才為懷化將軍弟若啟為歸德司

階○諸部落王子若溢等並為歸德司父○冬以珍州錄

事參軍田思曉為博州守城都指揮使

辰開寶元年改珍州為高州從田景遷請也

己巳二年武才入貢以為歸德將軍

大事記上
九十

辛四年龍彥瑫卒武才及八刺史請以彥瑫子漢瑋為嗣從之

亥八年田景遷卒以其子彥伊為高州刺史○三十九部

王子若發等入貢○析羅甸置大萬谷落總管府以宋景

陽為寧遠軍節度使都總管宋今宣慰

太宗

丁太平興國二年誠州酋長楊通蘊內附誠州今黎靖○以楊

通寶為誠州刺史通蘊卒弟通寶入款以為刺史

寅三年夷州蠻任朗政等入貢○置綏陽夜郎二縣隸珍州

黔記卷之一

大事記上

十一

庚五年南寧州酋長龍瓊瑤遣子羅若從等入貢

酉雍熙二年秋八月奉化王子以慈等入貢○夷王龍漢

璿自稱權南寧州事兼蕃落使○龍漢璿遣牂柯諸州酋

長趙文橋等入貢并上偽蜀所給符印○以龍漢璿為歸

德將軍南寧州刺史趙文橋等並為懷化司戈

丑端拱二年龍漢璿約五溪都統向通漢入貢

寅淳化元年龍漢璿遣弟漢興來朝○誠州刺史楊璠入

貢璠子通

卯辛二年夷王龍漢興及都統龍漢瑋入貢○刺史龍光顯

光盈及順化王兩帶等各入貢

未至道元年夷王龍漢瑋遣龍光進率牂柯諸蠻入貢○

高州來貢○以龍漢瑋為寧遠大將軍封歸化王○以羅

以植為安遠大將軍龍光顯光盈並為安化大將軍龍光

進等並為將軍郎將

丁三年分黔中隸荆湖劍南之東西三路

真宗

咸平元年夷王龍漢瑋遣龍光映率牂柯諸蠻入貢○

授龍光映等官○古州刺史向通辰入貢古隸平有

黔記卷之一

大事記上

十二

庚三年都部署張文黔來貢○高州刺史田彥伊遣子入

貢及輸兵器

丑四年高州酋向君猛遣弟君泰來朝

寅五年秋七月高州刺史田彥伊子承寶等來朝賜巾服

器幣○以田承寶為山河使溪洞都監○龍漢瑋遣牙校

率部蠻入貢賜冠帶於崇德殿

承海來貢

甲景德元年高州五姓義軍指揮使田文部來貢○詔牂